

午 42
88

痘症摘要



賜

御

研經堂

常州莊紫梁述

痘症摘要

上海申報館印



序

余自奉檄來滬。公餘閒談。正喜寒燠得時。民無疾苦。適吾鄉莊紫梁茂才至。聞之而歎。曰。今歲老者壯者。皆無疫癘。惟少者患痘。十去八九焉。挑燈兀坐。衢巷嬌啼。盈盈在耳。達旦偵之。乃知母子離決之悲。出於情不自己。傳述者猶潸然欲下。謂滬上歷歲以來。每遇小兒出痘。皆多不救。或謂無瘞埋之地。逢春火化。癘氣不散故也。莊生曰。不然。痘書愈多而愈繁。條目愈分而愈遠。不得頭緒。如治絲而棼之也。蓋出痘本於腎經。故謂之胎毒。少陰經有水有火。父母先天之氣。全在乎是。余十數年奔馳南北。見醫師所立痘方。或主寒涼。或主發散。以爲清熱解肌。此雖各有所本。不知寒涼之用。非大熱不可。發散則治太陽膀胱經。及太陰肺經。與少陰腎經。毫不相涉。徒壞小兒皮膚。何以使之。

養漿結痂收靨也。耶。余聞之而頗以爲是。因思陳脩園先生云。歷代未立考試醫生之制。其失業之輩。混充之以爲餬口計。所以日流日下。而殺人不計也。試觀今日之小兒。益信斯言之不謬。因詢莊生曰。有方法以挽回否。紫梁曰。此保赤之深心也。蓄念已久。無力圖維。越數日。以痘症摘要十數頁示余。披閱一過。乃知其先世在田先生之遺澤也。並附紫梁摘諸家之說彙而集之。法詳且盡。方簡而明。遵而行之。正不必請庸醫以送小兒之死也。延邀諸善士。各出資。急付梓板。速觀厥成。亦與人爲善之意云爾。是爲序。

光緒壬辰年臘月湖南候補道陳允頤序於春申江

叙

余先世在田大伯父。久有福幼編行世。治驚風者寶之。痘症一書。兵燹前曾有遂生編。行於大江南北及浙江江西等省。後人載入婦嬰至寶編。今已罕見。想歸燼餘矣。余家藏尚有善本。專治險症。蓋以尋常之痘。不必服藥。所治者險症耳。先世已明言之。予又恐痘家誤用。逐段鈎出。以醒眼目。並採擇諸家之說。以明經絡。又附痘後調理方法。及岐天師治小兒尋常痘瘡計日方法。庶使患痘之家。隨症選用。無難一覽而知。富厚者不失所宗。何至依違兩可。貧困者照方服藥。卽此亦是醫生。既不浪費錙銖。亦不枉拋性命。爰荷同人雅意。念切少懷。不敢以先世之留遺。特爲秘本。亦聊以博啞科之一助已耳。爰爲之序。

光緒十八年十二月常州紫梁氏莊潤孫叙於海上

痘症摘要

常州紫梁氏莊潤孫述

萬子衡助刻資洋十元

顯志堂馮助洋四元

陳養原助刻資洋十元

謝西眉助洋兩元

萬砥莊助刻資洋十元

壽萱書屋楊助洋四元

共刻書一千部餘洋歸入止嗽丹一千服

目錄

習醫亦須由博返約說

原痘論

痘症禁表藥以明經絡論

出痘象

治法

痘有四宜



痘有四忌

痘期發熱不可用清熱解肌之劑論

用藥須知補中略散論

陽虛作瀉不妨全補無散論

誤用涼藥致壞症論

辨症用藥十則

痘貴起脹不起脹當用補論

養漿

收結

痘毒並治法

痘症藥方

附痘後調理方



南京中醫藥大學圖書館版權所有

岐天師傳授痘科計日方法

關水痘說

痘症商要
目錄



痘症摘要

常州紫梁氏莊潤孫述

萬子衡助刻資洋十元

顯志堂馮助洋四元

陳養原助刻資洋十元

謝西眉助洋兩元

萬砥莊助刻資洋十元

壽萱書屋楊助洋四元

共刻書一千部餘洋歸入止嗽丹一千服

習醫亦須由博返約說

吳鞠通云。古來治痘明家。不下數十種。可稱盡善。意欲後學諸醫。博覽羣書。期於盡善。非執一種。遂爲善也。如錢仲陽主寒涼。陳文中主溫熱。二家相反。學者須執兩以用中。如遇始終實熱。當始終用錢。始終虛寒。當始終用陳。一陰一陽。天道卽人道也。人身一小天地。此物此志也。朱丹溪立解毒和中安表之說。亦最爲扼要。毒不解。如天之亢陽不雨。萬物不生矣。中不和。如地

痘症摘要

習醫亦須由博返約說

之石田爲害耕種無望矣。表不安如物之皮毛先壞而骨肉亦不實矣。故萬氏以脾胃爲主。此卽本和中之說而解毒安表皆游刃有餘也。魏氏以葆元爲主。亦從和中安表而來而解毒隨之。此皆從丹溪脫化。至費氏救偏瑣言舉各家之偏見而亦有偏於寒涼偏於溫熱者。如後附治驗諸條皆小兒秉性之偏卽不妨以偏治。厥後胡氏用汗下兩法下法毒甚尙可用汗法則斷不可從。恐傷表也。翁氏金鏡錄認證獨見真確所以着手成春。至於翟氏聶氏以氣血虧盈解毒化毒能闡發錢氏之所以用寒涼。陳氏之所以用辛熱。葉氏有補翁氏不及之處。治法兼用錢陳總之執兩以用中。上看天時下看地利再看小兒肥瘦及秉性之強與弱血氣之熱與涼。察其山根之色辨其食指之筋內外表裏虛實寒涼皆不可忽。見症確切而後立方通變達

權自有妙用。亦時中而已矣。此卽由博返約之說。不可執一以自泥也。

原痘論

南方如江西、江南、浙江等省會。每恃種痘。所謂牛痘是也。種痘有一定不移之法。故醫生於自出之痘。竟無方治。僅名之爲胎毒而已。然名之爲胎毒是也。何以又名之爲痘。蓋取象豈之形也。小兒由父母之精血結成。父母之精血由陰陽之情慾而動。陰陽妙合。水火相交。然後結成此胎。以變爲小兒。由古及今。誰能外此。故胎中之毒。皆先天之火毒也。水痘則水毒居多。亦天一之水。與太陰之脾濕爲患也。情慾重則毒重。情慾輕則毒輕。皆根於父母之本性而言。至於悶痘。必父母交感之時。欲洩不洩。強閉以貪歡會。故遺小兒至此。若父母食壯火之藥。生下小

兒出痘必黑毒難治。或小兒血瘀亦易變黑。至若赤白黃青各色皆常見之色。察其氣血並觀五運六氣而知其所致。則得矣。

痘證禁表藥以明經絡論

表藥何用。按古來醫書無非因風寒濕熱鬱於皮膚經絡。然後用藥以表之。故吳鞠通云。痘症由君火溫氣而發。要表藥何用。以寒水之經應用之藥。用於君火之證。猶緣木而求魚也。緣木求魚無後災。以表藥治痘瘡。後必有大災。蓋痘以筋骨為根本。肌肉為戰場。皮膚結痂為成功之地。用表藥則表虛。先壞其立功之地。無怪小兒至八九朝痘色灰白塌陷。咬牙寒戰。倒壓黑陷之症蜂起。今人恣用羌活防風柴胡葛根升麻紫蘇等味。猶先剝小兒之皮。安望結痂之候耶。庸醫殺人不用刀。自誤而不知自返。可深浩歎。更有愚之愚者。用表藥以發悶痘。彼豈知痘

之出。由於肝腎兩經。與寒水之經無涉也。耶。

出痘象

凡小兒身熱。眼如醉眼者。此出痘兆也。細察其毛竅。必聳簇。按其肌肉。必囁動。唇口必濡跳。手指必微掣。有似驚意。此痘尋竅而出也。氣必腥穢。胃欲嘔吐。中指獨自冷。兩耳紅筋必輕紫。筋必重。蓋中指爲胃之關。耳爲腎之竅也。故痘症不用表劑。經絡在此。不在彼耳。

治法

莊在田曰。順者不必治。逆者不能治。可治者惟險症耳。治之得法。則生。不得法。則不生。是治法之不可不精也。內經未嘗言及。今行世諸書。本于諸瘡痛癢。皆屬於熱八字。所以立意先言解毒。開方定用寒涼。在其父母聞之。解毒最爲入耳。寒涼似亦應。

氣虛
血虛
虛而兼寒

然○殊不知痘瘡全以發透爲吉○起發必賴氣血滋培○方能自內
達外○齊苗灌漿結痂○無非陽氣爲之主也○寒涼則血滯○尅消則
氣破○血滯氣破○毒氣乘虛而深入○此痘症塌陷之所由來也○譬
之猪脬○欲其脹滿○必須以氣充之○散其氣則陷矣○此理相同○顯
而易見○痘之始終○全憑氣血○但得氣血充足○則易出易結○氣血
不足○則變症百出○小兒發熱見苗○若氣虛者○宜服補中益氣湯
血虛者○宜服荆防地黃湯○兼寒者○宜服大溫中飲○或大補元氣
察其氣體虛實○酌而用之○所謂培補氣血○疏通經絡○無不立奏
全功○時醫不明此理○定言用補太早○則補住毒氣○乃愚陋之見
也○不知補中卽所以托裏○托裏卽所以托毒○托毒卽所以發苗
而灌漿○而結痂○萬無補住之理○且有散藥在內○此實先哲治痘
之心傳○高明者必以爲然○淺陋者何能窺其萬一○要之治痘之

虛寒

實熱

虛火實火
全憑大小
便為主

法總不外乎虛寒實熱四字。何者為虛寒。凡小兒平日氣體薄弱。面色青黃。唇淡畏寒。大便溏而不結。小便青白。飲食減少。或
不甚消化等症。知腹中少火。出痘時必難灌漿。亦難結痂。氣血
不足之故。是名虛寒。速宜培補元陽。以防變症也。何者為實熱。
凡小兒氣體壯實。飲食易消。出痘時大便結而燥。小便赤而燥。
口鼻中出氣如火。惡熱喜涼等症。是名實熱。然須審明果是內
熱。方可暫行清解。荆防地黃湯。用生地。加大黃。一二劑而火退。
切不可。以虛火誤認為實火。察虛火實火之法。全憑大小二便
為主。小便清白。大便不燥。身雖大熱。乃是中宮有寒。火無所依。
浮而在外。誤服寒涼。亦有此症。不得以身熱便認為實火。虛火
者。十中八九。實火者。十中之一二耳。

痘有四宜

痘症摘要

治法 痘有四宜

痘頂不起
等症氣不
足也宜補
氣

空殼無膿
等症血不
足也宜補
血

飲食減少
口淡無味
脾不足也
宜脾腎雙
補

灌漿不滿
燒漿不乾

莊在田曰。一宜補氣。真陽充足。方能送毒外出。以成痘。倘痘頂不起。等症。皆元氣不足之故。宜服黨參、黃芪、白朮、甘草之類。以補之。

二宜補血。真陰充盛。方能隨氣到苗。以成漿。若空殼無膿等症。皆陰血不足之故。宜於補氣藥中。加熟地、當歸、丹參、川芎之類。以補之。

三宜補脾腎。脾土壯健。氣血自充。若飲食減少。口淡無味等症。皆脾土不足之故。須脾腎雙補。即於前氣血藥中。加枸杞子、破故紙、附子、肉桂等藥。痘瘡自無塌陷泄瀉之患。經云。虛則補其母。此之謂也。

四宜察虛實。小兒飲食有味。二便如常。不服庸醫之藥。最為穩當。設或灌漿不滿。燒漿不乾等症。必察其氣分血分。何處虧虛。



等症宜察
虛實用藥

忌清熱敗
毒

忌尅伐氣
血

忌妄投醫
藥

照症調補。不可妄用涼藥。必口臭、尿燥、便結、有實火、可據者。方可暫行清解。

痘有四忌

莊在田曰：一忌清熱敗毒。胎中陰毒，必賴陽氣托送，方能發出。若陽氣被清熱之劑，鞭逼入裏，必致陰毒內歸。痘之塌陷，實由於此。是連翹、生地、黃芩、澤瀉之類，非有實火者，萬不可用。

二忌尅伐氣血。氣血充暢，痘易成功。尅消下咽，中氣必虧。毒即乘虛而入，泄瀉塌陷，諸症作矣。是大黃、芒硝、穿山甲、山查等藥，在所必禁。

三忌妄投醫藥。小兒出痘，延醫診治，求其有益也。豈知近代醫師，不分虛實，總是涼藥。毒輕者幾死，毒重者不生。是不如不服藥之為妙。客問曰：痘之順痘，可以不藥；痘之險症，亦可不藥乎？

痘症摘要

痘有四忌

五